

Namminersorlutik Oqartussat Umiarsualivinnut Immikkoortunut pilersaarutaat 2017-2027-imoortoq tunngavigalugu umiarsualiviit aserfallatsaaliineqarnerinut, ineriartorteqqinnerinut ingutserneqarnerinullu pingaarnersiui nermut pilersaarummik, qanorlu siunissami aserfallaatsaaliiner nut aningaasartuutissanik kinguaatsoorfiunnginnissaanut periarfissanik imaqartumik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasorta q, Harald Bianco, Inuit Ataqtigiit)

Akissuteqaat

(Ineqarnermut Attaveqaasersuutinullu Naalakkersuisoq)

Aappassaaneer neqarnera

Aallarniutigalugu Sanaartornermut Ataatsimiititaliap immikkoortumik peqqissaartumik suliaqarsimaneranut, siunnersuummullu matumunnga isumaliutissiissutaanut Naalakkersuisut ataatsimiititaliamut qujapput.

Naalakkersuisut allannguutissatut siunnersuutigisat Sanaartornermut Ataatsimiititaliami ilaasortat tamarmiullutik tapersersormassuk iluarisimaarpaat.

2022-mi Upernaakkut ataatsimiinnermi immikkoortoq 166-imi allannguutissatut siunnersuutip akuersissutigineqarnera innersuussutigalugu, immikkoortumut pilersaarut nutarterneqassasoq Naalakkersuisunit kiisalu Sanaartornermut Ataatsimiititaliamit isumaqtigiissutigineqarpoq. Qarsutsinissanut talittarfiit qajannaarsorsinnaaqqullugit, ulittarneranut tinittarneranullu tunngatillugu talittarfiit allanngortiterneqarnissaanut pisariaqassutsimik tamakkiisumik isiginnissuseqalernissaq pingaaruteqarpoq.

Aserfallatsaaliuinissami kinguaattoorutit annikillisinneqarnissaat nalinginnaasumik sulissutigineqarnissaa, Inatsisartuni politikkikkut tapersersorneqartoq Naalakkersuisut kiisalu Sanaartornermut Ataatsimiititaliap malugaat. Nunami umiarsualiviit aserfallatsaaliorneqarnissaat Inatsisartuni politikkikkut tapersersorneqarmat Naalakkersuisut nuannaarutigaat.

Nunatsinni umiarsualiviit attaveqaasersuutaapput pingaarutillit. Siunissami pitsaasunik isumannaatsunillu umiarsualiveqarnissaq Naalakkersuisut qulakkeerusuppaat. Umiarsualivinnik aserfallatsaaliuinissaq, ineriartortitsinissaq ingitserinissarlu immikkoortumut pilersaarutitigut pingaarnersiorneqarpoq, anguniakkalli tamaasa anguneqarnissaannut aningaasanut inatsimmi aningaasat naammanngillat. Taamaattumik tamatumani suleqatigiilluta kivitseqatigiissutissaqarpugut.

Aningaasanut inatsisissaq pillugu isumaqatigiissummi nutaami, umiarsualivinnut tunngatillugu kinguaattoorutit 2023-mi nutaamik ukkatarineqalernerat Naalakkersuisut nuannaarutigaa.

Sanaartornermut Ataatsimiititaliap kaammattuineratigut, Umiarsualivinnut immikkoortumut pilersaarutip suliareqqinneqarneranut atatillugu Inatsisartut Ataatsimiititaliallu ilisimatinneqartarnissaat Naalakkersuisut eqqumaffiginiarpaat.

Oqallilluarnermut Inatsisartut qutsavigaakka, taamatullu oqaaseqarlunga allannguutissatut siunnersuut saqqummiunneqartoq akuersissutigineqassasoq Naalakkersuisut sinnerlugit inassutigaa.